



Edición Special Dia di Himno y Bandera

Celebrando e aña aki 20 aña di nos *Status Aparte* y 30 aña di nos *Himno y Bandera*

Mini-biografia di Don Aníbal Abreu

Su orquesta a graba e Himno di Aruba pa promer viaha den version di orquesta

Don Anibal Abreu su nomber ta keda tambe den historia di e Himno di Aruba. Como cu ta su orquesta a graba e Himno pa prome bez den version di orquesta y ta e version oficial di e Himno di Aruba. Coro Vivons en Chantant bou di su dirigente sr. Rufo Odor a viaha pa Venezuela unda e version oficial a wordu graba. Aki ta sigui e mini-biografia.

Number : Aníbal Efraín Abreu García
Naci na Caracas, Venezuela 14 december 1928
Anibal Abreu su carera den musica ta cuminsa na edad di 17 anja ora ela cuminsa destaca su mes como pianista y tabata acompaña e cantantenan cu por a tende na e radionan di e temponan ey.

Su smaak pa e media aki a pone cu ela converti su mes tambe den locutor y tabata traha paralelamente na varios radioemisora na frente di e microfoon y na piano na e mesun tempo.

Na anja 1947 Don Anibal Abreu ta converti su mes den e pianista di e Orquesta di e famoso Luis Alfonso Larraín den cual ela toca tambe te ora ela forma su propio grupo musical y tambe e ora ela inicia como arreglista.


Aunke esnan cu sa di musi-

ca ta considera Don Anibal un musico integral, su gran inclinacion ta den arreglo. Pa Don Anibal compone ta igual na arreglo y di manera aki ela logra cu manera ela bisa cu "hasta piedra por



canta". Su gusto pa arreglo ta asina profundo den su condicion di musico cu cada vez cu e haci un arreglo tan nace un obra maestra. Danki na su gran aptitud artistico ela wordu contrata como pianista y director musical di Radio Caracas

Television pa e programa 'Lo de Hoy' cual tabata wordu conduci pa e gran y fallecido animador Renny Otolina. Despues Don Anibal a pasa pa Venevision, canal di television venezolano na cual ela dedica 26 anja di su carrera. Durante e tempo ey ademas di tabata encarga cu tur arreglonan importante pa e canal ela compone e marcha di Venevision cu cual e canal ta wordu identifica. Don Anibal Abrea ta un di e fundadornan di SACVEN (Sociedad de Autores y Compositores de Venezuela) na 1955, organizacion cual a celebra 50 anja na 'luna di Mei di 2005 y ta conta awe cu nuebe mil miembro. Tambe Don Anibal tabata ta tin hopi fama den composicion di jingles y ela forma parti di un grupo chikito y selecto di compositoran famoso cu tabata tene nan mes bezig cu jinglenan publicitario pa companianan grandi entre otro cu e compositoran Jesús Sanoja,



Raúl Renault y Enrique Quijano.

Don Anibal Abreu ta consider a su mes un arreglista y compositor bastante critico y cuidadoso cu ta maneja un estilo espontaneo y colloquial.

Algun di su obranan ta : Allí en esa calle, Debes decirme, La canción del muchachito, Pesadumbre, Yo no puedo, No hay tiempo que perder, Aún puedo amar, Estoy triste, Soñando despierto, Lolimar, Mambo Tijuana.

Don Anibal Abreu te ainda ta activo y na final di anja 2005 a duna un concierto acompañando na piano e cantante Ofelia del Rosal y e icono di musica romantico Rafael Ernesto "Rafá" Galindo den e sala di concierto di e Ateneo di Caracas.

**Abo sa
kico ta
HOYADA**

"Un hende grandi por tin mal wowo of wowo pisa. E ta mira un mucha of un baby recien naci y su wowo ta duna e yiu quebrante di culpa. E mucha por bira hopi malo mes y tin ora docternan no sa kico e mucha tin. Pesey ora un hende sa cu e otro tin mal wowo, e ta